

經部

欽定四庫

日講中庸解義卷! 經部

詳校官宗人府府及臣富是雅 刑部即中一許此椿覆勘

覆校官無吉士臣徐立綱 校對官學正臣李 巖

腾録监生臣于布賢

つき とこう 一日滿千青解我 理其功在致知力行其要 者凡三十三章中者天 思懼其久而失直

金贝四厚全書 天命之謂性率性之謂道脩道之謂教 首節乃先言道之所自来也子思日學問之理其精 於性命聖賢之功莫大於道教世亦知性道教之名 萬事萬物之理無不統於其間其專受賦界即如天 化莫不由是而出在人則為仁義禮智而四端五典 以成性故在天則為元亨利貞而四時五行庶類萬 果何謂哉盖天之生人既與之氣以成形即賦之理 此一章書是子思正道統之傳以明天人合一之理 卷二

莫不各有當行之路仁而為父子之親義而為君臣 之命令所謂性也由是循其性之自然則事事物物 意人欲或生其間而不能盡率其性者有矣惟聖人 性道雖人所同得而氣禀有清濁厚薄之異是以私 **酢無非性之本有而不參以人為之私所謂道也然** 之分禮而為恭敬之節智而為是非之辨其應用酬 之以禮和之以樂齊之以政禁之以刑使賢者可俯 因其當行之道而為之品節防範以為法於天下節

改定四車全馬 一日講中庸解義

其所不睹恐懼乎其所不聞莫見乎隱其顯乎微故君 道也者不可須與離也可離非道也是故君子戒慎平 本原而或索之淺近道由教而明言道而不言教則 教也盖道由性而出言道而不言性則人不知道之 慎其獨也 而就不肖者可企而及以復其性分之所固有所謂 本於天而備於我所以脩道之功須與不可離也 人不知道之功用而或索之空虚道之大原無一不

次王四車之書 日講中庸解義 待目有所睹而始戒慎也雖其所不睹之項未與物 道而可離則非率性之謂矣故聖人為教因其不可 離者而品節之君子為學亦因其不可離者而持守 充塞天地貫徹古今無須史之項可得而暫離也如 功也子思曰道率於性性無不有則道無不在大而 綱常倫類小而日用飲食莫不各有當然不易之理 此二節書是言道不可離而君子能盡静存動察之 之而其所以持守之功止有動静两端當其静也不

白史ロアと言 接此心常惶惶然戒謹祗慎而不敢忽不待耳有所 **凛凛然惶恐危懼而不敢忘所以存天理之本然而** 為見不知幽暗之處意念一發而善惡之幾已動是 開而始恐懼也雖其所不聞之項寂然不動此心常 為顯不知細微之事跡雖未露而善惡之幾已前是 至隱而萬象以昭豈不是莫見乎隱人弟知共彰之 不使静中有須史之離也及其動也人弟知衆者之 至微而萬形以具豈不是莫顯子微故君子既常戒

人と可見 ニショー 日端中南新義 喜怒哀樂之未發謂之中發而皆中節謂之和中也者 天下之大本也和也者天下之達道也 地此君子之學莫大乎主敬一動一静容於無間所 静時皆存性之功慎獨以審其幾則動時皆見性之 欲於將前而不使動時有須與之離也盖理欲之關 懼而於此獨知之地尤加警醒時時敬慎所以過人 天人之介出此入彼間不容疑惟戒懼以全其體則 以能須臾不離道也

意而怒失意而哀得意而樂四者人之常情當其未 此一節書是即性情以明道不可離也子思日君子 體用即人之性情也如人與事物相接順意而喜拂 與未發之中全無非戾謂之和是中也者性之德而 發之時渾然在中心無一物無所偏倚謂之中及其 主敬之功其於道不敢有須臾之或離者盖以道之 道之體寂然不動全體已具至無而涵天下之有至 既與物接喜怒哀樂隨其所發皆當乎理心體暢洽

欠にしり上 Ling 一人日請中庸解義 致中和天地位馬萬物育馬 此一節書是言體道之極功也子思曰中和之理約 異子一人之情古今事物之變莫不共由於此乃天 四達不悖一人之情即千萬人之情千萬人之情不 虚而軍天下之實萬事萬物之理其不根本於此乃 存動察之功所以不容少問而道之不可須史離也 下之達道也道之體用不外於心之性情如此此静 天下之大本也和也者情之正而道之用感而逐通

金河巴屋石電 密以至於至静之中毫無偏倚是能推致夫中之極 未神耳惟君子自其不睹不聞之時所以戒懼者愈 之雖在一心放之則彌六合特患工夫不至故功化 幾者愈精以至於應物之處毫無差謬是能推致夫 而大本立矣尤於隐微幽獨之際所以謹其善惡之 正七政四時不愆其度山川嶽瀆各得其常而天地 和之極而達道行矣由是吾之心正而天地之心亦 以位馬吾之氣順而萬物之氣亦順魚鼈鳥獸咸若 卷二

次王四車至馬 一一日講中庸解義 事天也中和位育人之成天也人心即天心故心盡 此合而觀之天命謂性天之生人也戒懼慎獨人之 物本吾一體大本達道自有全量致中和之效驗如 静存動察履中蹈和神與性會心與天通則天清地 而天應人事即天事故事脩而天從君天下者誠能 其性飛精動植各遂其生而萬物以育馬蓋天地萬 寧萬物茂育可還至而立效豈虚語哉 右第一章

時中小人之中庸也小人而無忌憚也 仲尼曰君子中庸小人反中庸君子之中庸也君子而 適合若小人則於中庸之理大相違背而反是馬仲 然而人心之所同有者然惟君子能體此中庸與之 此一章書是嚴道統之防也子思曰仲尼之言曰日 用常行皆有無過不及之理是為中庸乃天命所當 而小人不能者何哉盖君子静時既能戒慎恐懼心 尼之言如此夫中庸之理人所同得乃惟君子能之

次下四車上上号 一一日請中庸解義 此所以反中庸也君子小人之辨只在敬肆之間而 思懼賢智之害道又恐邪說之亂真故引孔子之言 已要之道統之傳必宗仲尼垂訓立教昭如日月子 中庸也小人静時既心徇人欲而動時又肆欲妄行 以嚴其防見中庸之統必歸君子而非小人之可得 **存天理而動時又能隨時處中合乎大道此所以為** 而竊取也 右第二章

子曰中庸其至矣乎民鮮能久矣 金安田屋人 言曰天下之理過則失中不及則未至惟中庸之徳 偏複為習俗所園故所知所行非流於太過即失之 真盡美盡善而無以復加矣乎但今世之人氣質多 無太過亦無不及乃日用尋常所遵行而不可易者 此一章書是言中庸之妙以醒世也子思曰孔子之 不及鮮有能適合乎中庸者盖非一朝一夕之故矣 夫中庸之道本人心所同具天理之當然乃小人反

子曰道之不行也我知之美知者過之愚者不及也道 之不明也我知之其賢者過之不肖者不及也人莫不 世而歸於至善之域也 之而衆人又鮮能之必頼脩道立教之聖人斯胥一 右第三章

人二丁ラ 一一日清中庸解義

日道如江河之行於地豈有阻塞而不行者今乃不

此一章書是明中庸鮮能之故也子思曰孔子之言

飲食也鮮能知味也

金好四月至書 常溺於物欲而不及乎中是賢者既以道為不足知 **駭世驚俗行所不必行而過乎中不肖者又安於故** 行而愚者又不知所以行此道之所以不行也道如 行於天下我知之矣盖行道由於明道世之資禀聰 日月之明於天豈有晦昧而不明者今乃不明於天 明者既窮爲極遠知所不必知而過乎中愚者又蔽於 下我知之矣盖明道自能行道世之資禀賢能者既 曲暗於大道而不及乎中是智者既以道為不足 巷二

者豈道之遠於人哉夫道命於天率於性乃尋常日 得其味之正不出日用之外而自得乎道之中矣可 而不肯者又不求所以知此道之所以不明也若此 見誰非道中之人誰可須史離道之人是在勉强學 之弊耳群諸飲食人於終日間誰不飲食也鮮有能 用之所不能外者但人由之而不察是以有過不及 問化其氣質之偏而合乎理義之中也 知其滋味者使其能察識馬則不出飲食之外而自

くこう。 ここ 一一口海中南坪長

金近四庫全書 子曰道其不行矣夫 言曰中庸之道惟其明之者寡所以行之者鮮其不 者之過愚者之不及耶是必開天明道之聖人乃能 此一章書是慨當世之不能行道也子思曰孔子之 立萬古行道之極也與 行於天下矣夫夫以當行之理而人莫之行豈非智 右第四章 右第五章

钦定四車全書 一日請中庸解義 執其兩端用其中於民其斯以為舜乎 子日舜其大知也與舜好問而好察遇言隐惡而揚善 每事必問之於人虚心體訪毫無勉强即夠竟之言 用則隘博攬則宏舜抱濟拍文明之資而不敢自恃 量有偏全惟古之帝舜其為大知也與人之聰明自 此一章書是舉舜之大知以見道之所以行也子思 日孔子之言日人非知無以見道然而知有大小即 以為至理所寓細加審察不以淺近而忽之其無遺

善如此於所問所察之中有言之不當於理者則隐 有两端馬於是無線衆說權衡輕重以求其義理之 匿包容未曾宣露恐阻其来告之意言之當於理者 事業見諸施行就衆説所有之中還用之於民而已 則播揚稱賛使之勸勉以堅其樂告之心其廣大光 至當至於一致之歸確不可易有其中馬然後措之 明又如此然言雖當理而衆論紛紜或大過或不及 不與其擇之審而行之至又如此此不自恃其聰明

次三日日上日日 一日講中庸解義 舜者其以斯乎盖問察隐揚有以見其寬宏博大無 該聚善而無遺執兩用中有以見其精密詳審極於 之才識為才識故其知益精其量愈廣舜之所以為 至善而無偏此知之所以無過不及而道之所以行 而合天下之聰明為聰明不自恃其才識而合天下 知之所以大者在乎明目達聰而不在恃一人之見 不可及者乃虚懷若谷不自用而取諸人如此可見 也夫千古聰明睿智之君首推虞舜疑有高天下而

辟也人皆曰予知擇乎中庸而不能期月守也 子日人皆日予知驅而納諸署獲陷阱之中而其之知 金岁巴尼石量 せ 避患今之人皆自許日凡事之未来我皆知之宜其 子之言曰明於理者必能固守猶之明於事者必能 此一章書是舉道不明之端以起下章也子思曰孔 右第六章

防患於微也乃禍機當前茫然不覺有如禽獸惟於

大子の上上 chan 一一日講中庸解義 子曰回之為人也擇乎中庸得一善則拳拳服膺而弗 道者亦然其自言曰凡理之至微我皆知之宜其能 盖見之明方守之定守之不固正坐見之不真爾然 擇而守也乃於中庸之理雖亦知辨别出来而竟為 私欲所間不能守於期月之近此道之所以不明也 **罟獲陷阱之中尚不知退避安得為知乎今人之為** 則格物致知顧不重且要哉 右第七章

金岁正是石量 失之矣 實踐拳拳然奉持在心胸之間堅守而不復失美盖 能擇而守爾惟顏回之為人也凡遇事物之来必詳 顏子惟知之真所以守之固此行之所以無過不及 此一章書見必如顏子為人而後道始可明也子思 而道之所以明也學類子之學者宜留意馬 加辨别以求所謂中庸者但得一至善之理即躬行 日孔子之言日中庸之理散見於事物之間但在人

欠にりにたいい 一人日請中庸解義 不可能也 子曰天下國家可均也爵禄可辭也白及可蹈也中庸 者可以使之均平爵禄人所争慕然有廉潔之操者 思曰孔子之言曰天下國家至難治然有明敏之才 可以蹈之而勿避此皆不為難事惟是中庸之理不 可以辭之而不顧白及人所畏犯然負勇敢之質者 一章書是承上言中庸擇守之難以起下章也子

每只四月 全書 桑以教不報無道南方之强也君子居之社金革死而 不厭北方之强也而强者居之故君子和而不流强哉 、路問强子日南方之强與北方之强與抑而强與寬 偏不倚無過不及於日用常行之事而有至當不易 其擇守之功哉 所以中庸不可能也然則有志於斯道者豈可不純 之理非義精仁熟無一毫人欲之私者未易幾此此 右第九章 卷二

道至死不變强哉矯 橋中立而不倚强哉矯國有道不變塞馬强哉矯國無 次定四華全島 一日講中庸解義 此一章書言必得君子之强而後中庸可能也子思 孔子曰如何乃為剛强孔子曰强亦不一今汝之所 問其囿於南方之風氣而為南方之强與其囿於北 曰昔者子路求所以操持堅定足以任道者故問於 方之風氣而為北方之强與抑根於義理不固於南 北而為汝學者之强與何言乎南方之强也如人有 古四

故其人能忍人之所不能忍而以含容之力勝人其 亦直受之而不報是為南方之强盖南方風氣柔弱 長厚之風猶近於君子之道君子居之何言乎北方 不合於理則寬容柔順以教之或有以横逆相加者 北方風氣剛勁故其人能為人之所不敢為而以果 之雖至戰鬪而死亦無厭悔之意是為北方之强盖 之强也被戈兵甲胄之屬凶器也乃視若衽席而安 敢之力勝人其武勇之習一紀乎强者之事强者居

万人とり事とき 一日講中庸解義 為和而不流其强也不亦為乎君子之處已卓然守 然可親而又志節漂漂不肯隨波逐流達理從果是 之若汝之所當强者非君子之强乎君子之處人語 而不倚其强也不亦為乎當國家有道之時君子則 即至於死地而不肯麼平生之節操其强也不亦為 亦矯乎當國家無道之時君子則以守義安命為主 以行道濟時為念不肯變未達時之志行其强也不 正而始終極其堅定不至有所傾撓依附是為中立

金とせんろう 行半塗而廢吾弗能已矣君子依乎中庸逐世不見知 而不悔唯聖者能之 ,日素隐行怪後世有述馬吾弗為之矣君子導道而 此一章書是以中庸之道歸諸聖人也子思曰孔子 理自勝有君子之强而後中庸可能矣 乎盖南北之强在以氣質勝人君子之强則惟以義 之言日今有人馬深求隐僻之理以知人之所不必 右第十章

スニラシ ノニー 一一日講中庸解義 君子所知所行無過不及依守中庸之理是與道為 所當為者而此隱怪之事斷然弗為之矣又有求道 則行之於始必要其然而自弗能已矣至於備道之 之君子亦知道之當為勉力導行乃不能實用其力 之者此失之太過而為所不當為者也我則止求吾 至於半塗而廢馬此失之不及不當已而已者也吾 名也而人情又厭常喜新故傳之後世容或有稱述 知過為說異之行以行人之所不必行其意盖欲求 也雖聖人亦有所不能馬天地之大也人猶有所憾故 聖人亦有所不知馬夫婦之不肯可以能行馬及其至 君子之道野而隐夫婦之愚可以與知馬及其至也雖 取法矣 悔之心是與道相終始者也非至誠無息純亦不已 之聖人其孰能之有志於中庸之道者其亦當知所 者也雖其層然自脩或不見知於當世而絕無怨 右第十一章

金只四月在書

君子語大天下莫能載馬語小天下莫能破馬 盡之者惟君子則道屬之君子矣夫君子之道有體 用常行之理亦有能知之者及其全體之至雖生知 有用其用廣大而無窮其體微密而不可見者也以 無所不在也子思日道命於天率於性人人具足而 此一章書是申明首章道不可離之意而極言道之 之聖人見聞所限亦有不盡知者馬以行而言雖夫 知而言雖夫婦中之愚者亦有本然之良知於凡日

とこうらとここ 一一日満中衛将長

金吳四屆子書 勢所阻亦有不盡能者馬不但聖人雖天地如此其 婦中之不肯者亦有本然之良能於凡日用常行之 大也而或覆載生成之有偏或寒暑炎祥之失正亦 道者而能載之乎語其小則無微不入天下安得更 子之道而語其大則無遠不包天下安得更有大於 不能盡如人意而人猶有怨憾之者是道不遺於常 理亦有能行之者及其全體之至雖安行之聖人時 人而亦不盡於聖人天地可見道無不在矣故就君

詩云為飛戾天魚躍于淵言其上下察也君子之道造 端乎夫婦及其至也察乎天地 火にりるという 一八日講中庸解義 布隠 有小於道者而能破之乎君子之道如此可謂貴矣 麓之篇有云萬之飛則至於天魚之躍則在於淵詩 而其所以然者則隐而莫之見也故曰君子之道費 此二節書是引詩以證道之費而隐而又結言之也 子思曰道之野而隐如此不可觀詩而悟乎大雅旱

果何言乎盖寫之飛有所以飛者是言道之昭者於 舉一魚而凡在下者可知道之費於此益見矣而其 能有所不遺及推而極之以求其全體則天高地下 所以然者則非見聞所及豈不隐乎總而論之君子 上也魚之躍有所以躍者是言道之的者於下也夫 莫非此理之昭者又何知能之可遽盡乎道之不可 之道由其一節而論則托始於夫婦居室之間而知 天地間無非物即無非道舉一萬而凡在上者可知

大にDIP という | 一人日講中庸解義 柯伐柯其則不遠執柯以伐柯睨而視之猶以為遠故 君子以人治人改而止忠恕違道不遠施諸己而不願 子曰道不遠人人之為道而遠人不可以為道詩云伐 亦勿施於人 離如此此君子戒懼慎獨之功所以不可已也與 此一章書是言道不離人而因示人以體道之實功 也子思曰孔子之言曰道率於性不外人倫日用之 右第十二章

間何嘗遠人故為道者為人而已若人之為道必欲 離人而求諸高遠便非所謂率性之道矣何以見之 豳風伐柯之詩有云人之執柯伐木以為柯者其長 治人不過就人身原有之理責成於人茍人而能改 以為遠也若道則與人為一非若柯之有两故君子 短法則即在所執之柯而不遠矣自我言之所執者 則亦已矣更不多求於人之外也豈欲其遠人以為 柯而所代者又一柯邪目視之猶有彼此之别而

求丹臣以事君未能也所求平弟以事兄未能也所求 君子之道四丘未能一馬所求乎子以事父未能也所 於人以此求道何遠之有 遠矣忠恕之事何如如人以非理施諸己此己心所 不願者則以己心度人心知其與我無異亦勿以施 之心而忠推己之心而恕則私去而理見去道自不 道哉夫道不遠人亦以不遠於人之心爾若能盡己

平朋友先施之未能也庸德之行庸言之謹有所不足

人についた ハートー 一八日満中庸解義

金只四月全書 不敢不勉有餘不敢盡言顧行行顧言君子胡不慥慥 我之所以事君未能盡忠也所求平為人弟之理欲 未能盡孝也所求乎為人臣之理欲盡忠以事君乃 求乎為人子之理欲盡孝以事父乃我之所以事父 盡弟道以事兄乃我之所以事兄未能盡弟也所求 此一節書是孔子自言其不遠人以為道之事也曰 君子之道其大端有四反之於丘則未能一馬如所

之道體之於身庸德也則行之而踐其實以子臣弟 友者未能也然必如何以求其能哉盖以子臣弟友 顧而無言不逮行之患君子之於言行如此豈不為 平朋友之理欲盡友道以交友乃我之所以先施於 不敢有盡言而益求其謹惟謹之至則所言者皆與 至於不足不敢不脩德而益勉其行言易至於有餘 友之道發之為言庸言也則謹之而擇其可然行易 所行相顧而無言過其行之慮所行者亦與所言相

一日精中國再見

多好匹庫全書 殿行平貧賤素夷狄行乎夷狄素患難行乎患難君子 無入而不自得馬 **慥為實者乎此我之所當取法以自脩者也敢遠** 於高深渺茫之域不知人外無道道外無人既失其 所以為人又安問其所以為道乎亦感之甚也 人以為道哉世之求道者每舎人倫物則之常而騖 素其位而行不願乎其外素富貴行乎富貴素質 右第十三章

次正日華主馬一日講中庸解義 處之位不同各有當行之道君子但因見在所居之 安之處如見在富貴則行富貴所當行之道而不至 素位而行者何也人之所遇惟順逆兩境而皆有可 盖求盡於本分之內自不服及於本分之外也所謂 位而盡其所當行之道未當於位之外别有所願慕 此一章書是言君子隨在盡道之意子思曰凡人所 於法見在貧賤則行貧賤所當行之道而不至於濫 見在夷狄則行夷狄所當行之道而不改其行見在

在上位不陵下在下位不援上正已而不求於人則無 怨上不怨天下不尤人故君子居易以俟命小人行險 以徼幸子日射有似乎君子失諸正鵠反求諸其身 患難則行患難所當行之道而不變其守道隨在而 盡則心亦隨萬而安故君子無入而不自得其本心 之理馬所謂素位而行者如此 此三節書是言君子之學正已反求而不願乎外也 子思白大凡人居上位則好作威以陵下居下位則

· 八正口事 全十二 一一日請中庸解義 在下位則不攀接乎上惟知正己求完己之分內而 寓而安至於窮通得喪一聽諸天命之自然而無 無所罪尤於人又何顧於外平惟其素位而不願外 自無怨但見中心泰然雖上而不得於天亦順受其 無邀求於人之心夫有求而不得則怨生今無求則 好附勢以接上君子則不然在上位則不侵陵乎下 故君子一身之所履雖有順逆之境而宅心平易隨 正而無所怨憾於天下而不合於人亦安於所遇而

毫慕外之心豈若小人逞其私智於傾險之途以妄 求幸得之福哉是道也夫子盖當言之矣夫子有曰 勝己者故曰射有似乎君子觀此而君子之素位而 君子凡事皆正己而不求於人即如射者失諸正鵠 射雖一技之微而其心則有似乎君子何以見之盖 行不願乎外益可見矣 之的而不中但反求諸已以為技藝之未精更不怨 右第十四章

金ダロア とって

欠日1つ日 1十万 一日端中庸解義 君子之道辟如行遠必自通辟如登萬必自平詩日妻 妻孥子曰父母其順矣乎 子好合如鼓瑟琴兄弟既俞和樂且耽宜爾室家樂爾 自通始通即所以為遠也辟如人欲登高必自卑始 之際而後可底於中和位育之全辟如人欲行遠必 無所不在而求道之功則必以漸而進謹於葬倫日 此一章書是不人入道之序也子思曰君子之道雖 用之常而後可造夫聖神功化之極審於隐微幽獨

壴

言之父母在上是高遠者也妻子兄弟在下是母過 宜兄弟如此則父母之心其亦安樂矣乎夫即一家! **驾兵詩言如此孔子讀此詩而賛之日人能和妻子** 雅宗禄之詩有曰人能於閨門之内妻子情好契合 早即所以為萬也君子之道正與行遠登高相似小 者也由妻子兄弟之和而遂致父母之順豈非行遠 其和樂且又久而不變則能宜爾之室家樂爾之妻 如鼓瑟琴無有不和之處兄弟之間翕然友愛既極

予如在其上如在其左右詩曰神之格思不可度思矧 體物而不可遺使天下之人齊明盛服以承祭祀洋洋 子曰鬼神之為德其盛美乎視之而弗見聽之而弗聞 射思夫微之顯誠之不可揜如此夫 此一章書是即鬼神以明道也子思曰孔子之言曰 自通登高自犀之一驗乎求道者可以知其序矣 天地間只是陰陽二氣而二氣之良能為鬼神其為 右第十五章

とこうら たた

一日青中青年長

金页匹库全書 聽鬼神無聲雖聽之而弗聞然鬼神雖無形無聲而 徳也流行不窮殆至盛矣乎何以見其盛也天下惟 有形者可見鬼神無形雖視之而弗見惟有聲者可 之鬼神之靈能使天下之人皆齊明以肅其心盛服 無而至有至虚而至實何其盛耶即以祭祀一端驗 以肅其身於以奉承乎祭祀斯時也但覺鬼神之精 凡有形有替之物皆鬼神為之體不可得而遺也至 **쭂洋洋乎流動充淌恰如在上一般而在上皆鬼神**

歌定四庫全書 人日講中庸解表 敬予觀於此言益可以見鬼神體物而不遺矣夫不 神之屈伸往来總一實理為之所謂誠也惟其誠則 見不聞鬼神微矣而體物不遺又極其顯何哉盖鬼 不可遺者於斯驗矣試觀大雅抑之詩曰神之来也 也恰如在左右一般而左右皆鬼神也所謂體物而 有是理必有是氣自發見昭著而不可擀如此夫此 不可測度則雖極其誠故尚思有愧況可厭射而不 鬼神之徳所以為盛也人之體道者馬可不以存誠

内宗廟饗之子孫保之 子曰舜其大孝也與德為聖人等為天子富有四海之 夫為人子者非徳不足以顯親舜則生知安行徳為 曰人子事親皆當盡孝然惟古帝舜其為大孝也與 聖人其顯親之孝為何如非貴不足以尊親舜則受 右第十六章 章書見舜能盡庸徳之量也子思曰孔子之言

一次定四車全書 一一日講中庸解義 之生物必因其材而為馬故裁者培之傾者覆之詩曰 |故大徳必得其位必得其禄必得其名必得其壽故天 為大孝與 矣下而使子孫保諸侯之封所以為親裕後者至矣 養親舜之富奄有四海以天下養其養親之孝為何 舜之德福無隆如此誠有非常人可及者此其所以 如且上而使宗廟饗天子之祭所以為親光前者至 堯之禪 尊為天子其尊親之孝為何如非富不足以

嘉樂君子憲憲令德宜民宜人受禄于天保佑命之自 天申之故大徳者必受命 徳中自有福厚必得四海之禄徳中自有令聞必得 然不求而自應者也此豈天之有私子哉當觀於天 故有聖人之大德而德中自有尊榮必得天子之位 夫舜之徳福無隆固所以為大孝然徳又福之本也 此四節書是言聖人有大徳而後能備大福也子曰 顯著之名德中自有久道必得永遠之壽皆理之自

欠八日日 八十一 一八日請中庸解義 位之人以是為天所眷顧而受天之禄天既保愛之 有是顯然的者之美德既宜於在下之民又宜於在 皆有意於其間也嘉樂之詩有云可嘉可樂之君子 植者本有生意便從而培養之至物之傾仆者本無 之獲福於無窮此天之眷德又有可徵者也由此觀 佑助之而命為天子又從而申重之保佑之不已使 生理便從而覆敗之或培或覆皆物之自取而天未 之生萬物必因其材質之可厚而如厚馬如物之栽 き

作之子述之武王纘大王王李文王之緒宣戎衣而有 金好四月月十 子曰無憂者其惟文王乎以王季為父以武王為子父 徳斯孝為大孝舜聖人也而實孝子也舜之聖聖之 孝者也舜之孝孝之聖者也故為天下萬世法 壽之全固理之必然者爾尚何疑哉夫舜之德為大 有是大德則其受上天篤厚申重之命而享禄位名 之可見有大徳者必然受天之命而為天子今舜既 右第十七章

とこう」とここ 一一一日講中開好義 廟饗之子孫保之 天下身不失天下之顯名尊為天子富有四海之內宗 周文王丹何以見之文王以王李之賢為之父以武 父作之於前也武王繼志述事集周家之大統是聖 思曰孔子之言曰自古帝主於父子創述之際多有 不足於心之處即不能無憂若全無所憂者其惟我 王之聖為之子王季積功累仁造周家之基業是賢 一章書是子思引孔子所言文武周公之事也子

金好四月子書 者戎衣遂克商而有天下是時諸侯率從萬姓悦服 子述之於後也父作子述前後皆有令德文王之心 於武王述之之事更有光大前人者周自太王肇基 東西南北無不稱功頌德身不失天下之顯名於是 王王李文王之緒應乎人心順乎天命誅紂無道壹 天意無不順應王業之端緒始基之矣武王能繼大 更無不足之處此其所以無憂也文王之事如此至 王迹王李勤勞王家文王三分天下有二是時人心 卷二

大己口和 Camp 一八日請中庸解義 武王末受命周公成文武之德追王大王王李上祀先 公以天子之禮斯禮也達乎諸侯大夫及士庶人父為 易候而王而尊為天子化國為天下而富有四海之 歷年八百自成康以後皆守其基業而保之無非承 内上而祖宗則隆以王者之稱祀以天子之禮自文 之事如此 祖考之烈順天人之心而合乎理之所當然也武王 王以前皆奉於宗廟而饗之下而子孫則傳世三十 Ĭ

士祭以大夫期之喪達乎大夫三年之喪達乎天子父 大夫子為士葬以大夫祭以士父為士子為大夫葬以 母之喪無貴賤一也 禮展其欲展之孝思廣其未廣之恩意以成文武之 事尚有欲為而未暇及者周公乃身任其責因時制 徳近而追崇古公為大王李歷為王李不王其身而 此一節書是言周公制禮以全武王子述之事也子 日武王受命為天子時已末年矣凡所以述文王之

久正司臣とふう 一一日講中庸解義 自祖紺以至后稷皆祀以天子之禮不王其封而王 得隨分以盡其孝如父為大夫子為士葬則以大夫 推之以及天下達乎諸侯與大夫及士與庶人使旨 皆本乎天理之安人情之至豈獨自盡其孝已哉又 其饗又推大王王季之意以及於無窮也斯祀禮也 王其號盖推文武之意而及乎王迹之所起也遠而 之禮祭則以大夫之禮盖葬用死者之爵貽之以安 之禮祭則以士之禮如父為士子為大夫葬則以士 圭

金安正屋有書 成文武之德也周公之事如此子思引此以見文武 昆弟之喪親不敵貴也三年之喪自庶人上達乎天 年之喪自庶人上達乎大夫而止天子諸侯無伯叔 也祭用生者之禄俾盡其情也又制為喪服之禮期 祭喪服之禮推及於天下皆緣情制禮周詳曲當以 周公能盡中庸之道是亦費之大者也帝王體中 子皆通行之此乃父母之喪子於父母問極之恩無 分貴賤貴不敵親也追王上祀之禮致孝於祖先葬

子曰武王周公其達孝矣乎夫孝者善繼人之志善述 大三日事 三日講中庸解義 人之事者也 之道當以文武周公為法 此一章書是引孔子稱武王周公之達孝而言其所 孝親之心盡倫盡制使人人皆得以盡其考所以天 以盡孝者在繼述也子思曰孔子之言曰凡人之孝 止於一身一家未必達之天下惟武王周公能推其 右第十八章

春秋脩其祖廟陳其宗器設其裳衣薦其時食宗廟之 善繼人之志前人有事可法而遵行之為述不必前 世而為達孝也 必前人有此志而吾之所存合天則隔世相感是為 謂達孝者何哉凡前人有志未速而成就之為繼不 下之人通謂之孝而無異詞其達孝矣乎夫武周所 人之事此所以因時隨分一酌乎理而推四海傳萬 人有此事而吾之所為當可則易地皆然是為善述

禮所以序昭穆也序爵所以辨貴賤也序事所以辨賢 欠己の巨人になる 一人日講中庸解義 也旅酬下為上所以速暖也無毛所以序齒也 器必陳而列之以示能守於先王所遺之裳衣必設 寢室必加灑掃整的以致其嚴潔於先世所藏之重 此二節書是舉武周所制祭禮以明達孝也子曰武 之以授尸使神有所依而致其如在之誠於四時之 也自春祖秋四時皆有祭臨祭之時於祖廟中門堂 王周公之所以善繼述者即其所制祭祀之禮可見


金分巴尼石書 其於時祭之致孝者有如此再以拾祭之禮言之宗 食各以時物薦之以奉人者薦神而将其生事之敬 序立之禮亦依祖宗世系以次相序乃所以序其孰 當給祭於太廟則羣廟之子孫皆来與祭其宗廟中 廟之次在左者為昭左陽也昭取陽明之義在右者 為的熟為穆親親使不紊也至於異姓助祭外服有 為穆右陰也穆取陰幽之義此建立宗廟之位置也 公侯伯子男内朝有卿大夫士皆序之以爵尊者在

大三の日本言 一日講中庸解義 前甲者在後乃所以辨其熟為貴熟為暖貴貴使不 越也其同姓異姓與祭俱有職事如宗掌祠祭祝讀 賢賢使不掩也祭畢而飲福則同姓兄弟與異姓之 亦得以有事為柴幼幼使伸敬也至異姓賓退獨燕 舉解於其在上之父兄以相酬酢乃所以速及賤者 任乃所以辨其徳行之優威儀之美與趙事之媚熟 祝文至於司尊司爵之類皆事也序其執事惟賢是 實眾人互相勸飲謂之旅酬必使各家在下之子弟

生事已如事存孝之至也郊社之禮所以事上帝也宗 **選其位行其禮奏其樂敬其所尊愛其所親事死如事** 國其如示諸掌乎 廟之禮所以祀乎其先也明乎郊社之禮稀當之義治 同姓則以毛髮黑白之色别長幼為坐次乃所以就 尊早中各序年齒不論貴賤老老以加敬也其廟中 恩義之周悉又如此 此二節書是結言繼述之善而又悉舉禮制之通於 卷二 次にり重なり一八日講中庸解義 **踐者即其位也先王升降周旋有禮馬今所行者即** 治道也子曰武周所制祭祀之禮既善且備如此皆 奉事先王事死猶夫事生事上猶夫事存真善繼善 祖考是先王之所尊者也今春秋祭祀用致誠恪於 善體先王而為之者也先王對越祖考有位馬今所 在廟廣推恩義於下以愛其所親以此觀之武周之 其禮也先王聲容感格有樂馬今所奏者即其樂也 上以敬其所尊子孫臣庶是先王之所親也今周列

金安田屋と言 奉事上帝與后土答其覆載生成之德也有宗廟之 薦於摩廟盖所以祀其祖先盡吾報本追遠之誠也 禮馬或五年一稀而合饗於太廟或四時有祭而分 至祀天於園丘社以祭地夏至祀地於方澤盖所以 祭祀之禮又不止此也有郊社之禮馬郊以祭天冬 述無所不至孝之極至者也稱曰達孝不亦宜乎然 夫郊社之所以享帝禘嘗之所以享親其禮至大其 義至精惟聖人能制之亦惟聖人能明之苟能明乎

次定四事全書 一日講中庸解義 治道有如此子思引此以見武周之孝盡倫盡制皆 有合乎中庸之道是亦費之大者也帝王以孝治天 明而易見者乎武周制禮不惟善體先王而且通於 所往而不當治國之道即此而在其如視諸手掌其 郊社之禮稀當之義則仁孝之理推之萬事萬物無 下於制禮作樂理明治幽之間宜加之意馬 右第十九章



日講四書解義卷三 改定四車全書 日講中庸解義 也 欽定四庫全書 其人亡則其政息人道敏政地道敏樹夫政也者蒲盧 哀公問政子曰文武之政布在方策其人存則其政舉 庸下 此一 章以人存政舉為主而其大要不外乎脩身皆哀 章書是子思引孔子論政以明中庸之道也通

武王以聖人為君又有周召之臣為之輔佐當時所 難也但有治法必有治人使當今之時上有勵精圖 問政孔子對日為政之道無他法祖而已告我文王 治若文武之君下有實心任事若周召之臣則紀綱 若周官周禮諸書昭昭乎如揭日月循而行之固不 行政事酌古準今萬世無弊今猶布列於方策之中 法度燦然具舉文武之治可再見也不然者無治人 則無治法其人既亡其政亦遂滅息方策所載徒文

夕日の日 ハムラ 一人日講中庸解義 木勾前甲拆無留待也人政之相因如此而况文武 具爾所以然者蓋人之為道能敏速於政元首股肱 之為道最能敏速於樹土脉時動萬物資生百果草 政不可復未之有也 政舉非難人存為難君與臣奮志求治而謂文武之 至極者如草中蒲葦比之他物其生為尤易也可見 之政也者顯誤承烈盡善盡美朝發夕效尤為敏之 一心一德興利除弊以収明作之功易易也猶夫地

故為政在人取人以身脩身以道脩道以仁仁者人也 金女正正石章 所生也 親親為大義者宜也尊賢為大親親之我尊賢之等禮 此二節書是以行政責於君身而指仁義禮為脩身 然後好惡取舍皆得其宜而賢才無不望風樂附故 任用之賢才進用則百度振舉故為政在乎得人然 之要也子日人君欲行文武之政止在選建賢才而 人君一身乃臣下之標準如欲取人必先脩治其身 卷三

J. 15.21 1.1. 脩身脩身以取人人存政舉一以貫之矣夫脩道而 倫理之間一皆真意貫徹故脩道莫若以仁脩道以 慈爱之性人之所以為人也雖日用葬倫仁無不至 若脩道又必全乎本心之德慈愛惻怛周流無間則 然之實然後網常舜紀反身而備故脩身莫若以道 取人莫若以身若脩身又必於五倫之理各盡其當 而其始必由一本以為推廣故惟親親為大有仁則 必以仁者何也蓋所謂仁者乃人生之初所具則但 一月月再中新丹亮

金丘四月全書 賢始能講明此理施為各當故惟尊賢為大若親親 徳之小者則友事馬又有差等之各異其間輕重高 庶務之宜也然經權常變神運無方惟尊崇有德之 有義義者乃吾心分别事物化裁之本所以為權衙 之中如父子則當孝慈兄弟則當友恭宗族則當惇 下皆由天理節文之自然不可過不可不及乃禮之 叙又有隆殺之不同尊賢之中徳之大者則師事高 所生也脩身脩道者可不於是而審求之乎

改定四車全書 一日請中庸解義 故君子不可以不脩身思脩身不可以不事親思事親 不可以不知人思知人不可以不知天 得而脩矣故思脩身不可以不事親欲盡親親之仁 **尚不能善事其親則無以為擴充推準之本身不可** 本尚身之不脩則無以取人即無以立政故君子不 此一節書是承上文言脩身之要尤在知天也子曰 可以不脩身脩身以道脩道以仁而仁莫大乎親親 夫為政在人取人以身則君子一身實取人立政之

天下之達道五所以行之者三日君臣也父子也夫婦 也昆弟也朋友之交也五者天下之達道也知仁勇三 **微是非辨白繼志述事無施不宜故思事親不可以** 失其當矣故思知人又不可以不知天知天則親賢 之理知之不明則親疎混清賢愚倒置所尊所親皆 不知人至若親親尊賢各有等我皆天叙天秩自然 又必尊禮賢人集思廣益然後於親親之道講究精 之等殺明而所為脩道以脩身者不外是矣

欠に日本といち 一一日講中庸解義 者天下之達德也所以行之者一也或生而知之或學 而行之或勉强而行之及其成功一也 而知之或因而知之及其知之一也或安而行之或利 試舉脩身脩道者詳言之天下古今所共由之道有 主於序五日朋友之交主於信此五者人之大倫天 於義二日父子主於親三日夫婦主於别四日昆弟 此二節書是詳言脩道之事而勉人以知行也子曰 五所以行此達道者有三何謂五達道一曰君臣主

金とせたろう 妄得而入之德非其德矣又何以行達道哉達德固 道者此三者天命之性天下古今所同具之達德也 下古今所共由之達道也何謂三達徳一日智所以 知仁勇之德皆為實德而達道自無不行不然則偽 然其所以行之者又只在一誠而已誠則真實無妄 知此道者二日仁所以體此道者三日勇所以强此 所以行達道然人之資禀容有不齊以知而言或有 天性清明義理昭著生而知之者或有反覆討論待

次ピコ事といり一人日講中庸解義 於學習然後知之者或有學而未達必至困心衛應 於義理自然能行之者或有真知為好亹亹不已若 然後知之者此三等人聞道雖有早暮及既知之後 禀之所得限哉 行之者此三等人行道雖有難易及成功之後其所 有所利而行之者或有力未能至勉强奮發而後能 其所至無異同一知也以行而言或有德性純粹安 至亦無異同一行也人能勉强學問自强不息豈氣

金安巴尼人門 子日好學近乎知力行近乎仁知恥近乎勇知斯三者 則知所以脩身知所以脩身則知所以治人知所以治 則知所以治天下國家矣 也子日人之資禀雖有不同而變化氣質未當無術 此二節書是言下學入徳之功以為脩身立政之本 近乎智不難矣仁以體道固非自私者之所及然能 古今事物之理則聞見多而聰明日益於以明理而 如智以明道固非愚者之所及然能寫信好學討論

大正日本公世日 一日講中庸解義 復還於以進道而近乎仁不難矣男以任道固非懦 志一動而氣隨之於以立志而近乎勇不難矣夫脩 者之所及然能耻不若人常存其憤發愧勵之心則 之理即在人之理既知所以脩身則所以治人而使 有以行乎達道所以脩治其身之事皆知之矣在我 身以道而知仁勇三徳則所以行此道者人尚知夫 自强不息實用其省察克治之功則人欲盡而天理 好學力行知耻三者足以近之則有以入乎達德即

金ジログノニ 臣也體羣臣也子庶民也来百工也柔遠人也懷諸侯 凡為天下國家有九經日脩身也尊賢也親親也敬大 而使之各盡其道者亦無不知之無分於遐邇矣夫 即千萬人之理既知所以治人則所以治天下國家 可以不脩身也 以天下國家之治而要不外乎脩身如此故君子不 之各盡其道者無不知之無間於物我矣一人之理

故心沃心之助也次日親親敦睦九族所以篤本支 易者其目有九馬首曰脩身皇建有極所以端本清 有要是故人君治天下國家其經常之道萬世不可 身以推之至於治人治天下國家則人存政舉施之 道率屬體統不可不優口體羣臣庶僚百職疏附後 源為天下國家之準也次日尊賢師臣實臣所以収 百世之誼也由家以及朝廷曰敬大臣公孤六卿論 此一節書是舉九經以明為政之次序也子曰由脩 一一日清中庸解義

| 脩身則道立尊賢則不惑親親則諸父昆弟不怨敬大 金豆匹月全書 序不紊故謂之九經皆文武之政布在方策者大要 奠安六服使不至啟窺何之心此數者其道有常其 總不出此 所以加恩實旅使不至有窮途之數日懷諸侯所以 民父母無字之仁所當弘也日来百工制器所以利 先君恩不可不渥由朝廷以及國曰子庶民元后作 用吃材治事所當裕也由朝廷以及天下日柔遠人

臣則不眩體羣臣則士之報禮重子庶民則百姓勘来 **t**t 晓無所被感矣能親其親則諸父昆弟和協輯睦無 可以為天下國家之倡道立而人皆知所則做矣能 不能力行爾誠能係治其身則達道達德渾然全備 5 一則財用足柔遠人則四方歸之懷諸候則天下畏 禮賢人則啟沃有資於凡脩已治人之理貫徹通 節書是言九經之效也子曰九經具在患人 一日時日日日 全主

超近匹库全書 常恐無以報君上之禮遇矣能子庶民則百姓蒙其 遺大投艱皆有所憑籍而於事不敗矣能體羣臣則 所怨數矣能敬大臣則信任既專才献得以展布雖 恩澤皆歡放愛戴勸於尊上矣能来百工則有無相 易農末相資貨財生聚而器用瞻足矣能柔遠人則 君以臣為手足臣即以君為腹心為士者感激思奮 四方慕義皆傾心歸往而願出於其路矣能懷諸侯 則感徳者畏威咸翼戴王室夾輔天子而天下安如

德所以勸賢也尊其位重其禄同其好惡所以勸親親 欠こつ声 齊明盛服非禮不動所以脩身也去讒遠色賤貨而貴 也 使薄敛所以勸百姓也日省月試既禀稱事所以勸百 也官盛任使所以勸大臣也忠信重禄所以勸士也時 工也送往迎来嘉善而於不能所以桑遠人也繼絕世 - 奏國治亂持危朝聘以時厚往而薄来所以懷諸侯 磐石不可動摇矣此九經之效也 一日講中庸解義

金吳巴屋有書 賢之所以不勸者以讒言貨色足以奪吾好德之慕 者惟其憚於檢束安於逸豫爾是必齊戒明潔以正 此一節書是言九經之事也子曰君身之所以不脩 爾惟是屏絕讒邪疎遠美色賤惡貨財而專心一意 動若是則內外交養動静不違於道乃所以脩身也 其心盛服儼然以正其容凡一切非禮之事不敢妄 之用乃所以勸賢也同姓之親惟恩義衰薄所以怨 以貴重有德之人如是則賢者彈冠相慶莫不樂為

又「E」り | □ 日講中庸解義 養之不能厚則身家念切而徇國之意薄必須開誠 羣臣之衆待之不以誠則疑畏猜阻而任事之心哀 置官屬足任指使之勞如此則為大臣者得以坐論 使親理細事非惟體統有虧抑恐職務多曠必須廣 與同好惡與同惡而不至於拂逆其情如是則諸父 望易起是必尊其位而使之貴重其禄而使之富好 從容留意於社稷之長計矣乃所以勸大臣也至於 兄弟自然感悅乃所以勸親親也至於腹心大臣若

恩圖報樂赴事功乃所以勘士也至於民為邦本尚 布公待之以忠信賜予豐腆養之以重禄如此則感 使之不時則民力竭斂之太重則民財匱是必農務 之經則百姓財力有餘無不數於愛戴視之如父母 既畢役以公旬三日之制藏富於民遵守什一而稅 省視月加考較務使餼廪之賜與工作相稱如此則 而賞厚勞重而報輕則相率而為偷惰矣是必日加 乃所以勸百姓也至於百工技藝勤情不一若功薄

金安巴尼石書

さいこう シュー 勤者益勤而情者亦皆勘於勤矣乃所以勤百工也 道路之際有所資給若其願留者有善則嘉美之而 至於四方實旅於其往時則授之旌節以送之使關 津之間不至阻滞於其来時則豐其委積以迎之使 因能授之以任不能則於恕之而無强其所不欲如 此則恩義敖接實至如歸乃所以桑遠人也至於六 服羣辟有子孫絕嗣者訪求支庶使得繼其本宗有 失國播遷者錫以茅土使得復其爵科亂者治之使 一月月中南丹美

金好四库全書 不豫則廢言前定則不路事前定則不困行前定則不 凡為天下國家有九經所以行之者一也凡事豫則立 上下相安危者持之使大小相恤比年而大夫小聘 所以懷諸侯也此九經之事也 之困無也如此則諸侯皆將竭忠王室歸命恐後乃 而禮節有加羣后之貢獻則薄而方物有常恐其財 恐其力之難繼也且其朝聘之時朝廷之燕賜則厚 三年而卿大聘五年而君一朝不疏不數各有其時

虚文緣飾將何以治天下國家哉且不獨九經而已 實心乃有此實事若有不誠則紀綱法度皆是陳迹 此二節書是言行政必本於誠而誠又貴乎豫立也 子日人君為天下國家其九經之道廢一不可然所 則凡事皆有實意自能成立尚非先立乎誠則事皆 以行此九經者亦不外一誠而已矣蓋天下必有此 但凡天下之事如達道達德九經之類能先立乎誠

在下位不獲乎上民不可得而治矣獲乎上有道不信 乎誠不肯安動則事皆有主迎機導寒不至窮困身 虚偽必至廢壞如人之言語能先立乎誠不肯妄發 當何窮之有尚其不誠則言事行道無施而可是以 之所行者能先立乎誠則中倫中理光明正大何疚 則言為德言自然順理不至室礙人之行事能先立 之有道之當然者能先立乎誠則左右進原泛應曲 凡事必須先立乎誠也

一致定四庫全書

道不明乎善不誠乎身矣 朋友矣順乎親有道反諸身不誠不順乎親矣誠身有 N. 1. ... ,朋友不獲宁工矣信乎朋友有道不順乎親不信乎 信任不專則無以安其位而行其志雖欲施設政教 善也子日達道達徳九經之屬皆欲前定乎誠即如 此一節書是言凡事皆本誠身而誠身之要尤在明 在下位者若欲治民必得上之信任而後可茍上之 而人不從民不可得而治矣故治民必先獲上也然 一一八日韓中國時長 1

金定匹库全書 欲獲乎上非處求之上必視其處朋友如何若平日 乎上難矣故獲上必先信友也然欲信乎朋友非遠 求之朋友必視其事親如何若平日居家不能承順 為人不見信於朋友則志行不孚而名譽不聞欲獲 身之誠不誠如何若反求諸身未能真實無妄則大 友必先順親也然欲順乎親亦非遽求之親必視其 父母則所厚者薄而無所不薄欲信乎友難矣故信) 断雖有事親之虚文無愛親之實意欲順乎親

とこうシーニー 日満中庸解義 友獲上治民無施不可誠身之所繫何重哉而誠身 難矣故順親必先誠身也是則一誠其身而順親信 不可掩欲求誠身豈不難哉蓋天地間萬事萬物徹 之者考之詩書之内講之師友之間以先明乎善之 命之性也誠能格物致知察之念慮之微驗之事為 之道安在在於明善而已善者何即人心中所具天 所在知之既真行之自力身自無有不誠尚其不然 以妄為真以欲為理雖欲勉强橋飾而誠中形外自

一誠者天之道也誠之者人之道也誠者不勉而中不思 金贝四月全書 而得從容中道聖人也誠之者擇善而固執之者也 圖為制心制事之本舎誠何以哉 明善以誠身况人君一身為天下瞻仰所以孜孜豫 此一節書是承上文誠身而言以見誠身雖有天人 曰臣言誠身在明善而誠之所以為誠者原是天所 之異而自然與勉强總歸於誠身而不可偏該也子 一徹下不外一誠在下位者凡有所為尚且不可不

欠已日日人二 一日請中庸解義 賦界於人真實無妄不假脩為此繼善成性自然而 於道無不中其知則生知不待思索而於道無不得 盡之道也誠者之事何如其行則安行不待勉强而 然之道也其所稱為誠之者則因氣票物欲所累必 疑似所感然後可以明善其行未能不勉而中必固 由功力克治以至於真實無妄之地此人事所當自 之者之事何如其知未能不思而得必擇善而不為 此乃從容合道之聖人全乎天而無假於人者也誠

博學之審問之慎思之明辨之寫行之有弗學學之弗 執而不為物感所移然後可以誠身此乃用力脩為 誠不可不知也 欲不敢恃其徇齊之質而孜孜黾勉自同下學人 純備者所以堯舜相傳必致嚴人心道心之辨文王 殊然自古聖人雖神靈天亶未有不加省治而坐臻 致頌惟克盡緝熙敬止之脩其要在乎存天理過人 而盡人以合天者也夫誠身之道固有天人安勉之

措也人一能之已百之人十能之已十之果能此道矣 弗措也有弗辨辨之弗明弗措也有弗行行之弗為弗 能弗指也有弗問問之弗知弗指也有弗思思之弗得 雖愚必明雖柔必强 此三節書是詳言擇善固執之目而欲困知勉行者 知而學必博然後聞見無遺則在博學之學之中 而擇善固執之條目如何蓋天下之理無窮非學不 實用其功以進德也子曰誠之者之道在擇善固執

一日萬中朝丹后

多好匹库全書 見則在萬行之擇善固執二者之條目如此有如依 能窮微而辨必明然後精粗無問則在明辨之擇善 至此既極其精矣由是體諸日用之間由內達外舉 凡學問思辨之所得一一皆求踐其實而不徒為虚 後切實不浮則在慎思之即思之已得者非辨别不 問之即問之已明者非思索不能親切而思必慎然 未知者非問不詳而問必審然後是非不感則在審 此條目實用其功弗學則已學則一理弗能體備不

改定四車全書 一日講中庸解義 則一節弗能貫通不止弗辨則已辨則一端弗能剖 通而日進於明雖柔弱者亦將剛毅而日進於强斷 志者少畏難的安或至半途而廢爾果能用此工夫 優寫實底於有成不止他人以一而能已寧加百倍 晰不止及其驗諸當身弗行則已行則一事弗能踐 止弗問則己問則一事弗能理會不止弗思則己思 則義理自然融會氣質自然變化雖愚昧者亦將費 之功他人以十而能已寧加千倍之功但恐天下有

自誠明謂之性自明誠謂之教誠則明矣明則誠矣 道尚能用勉强之力雖在中主無不可致道德治功 意切矣 斷必然無可疑者可見人君奮發有為以達德行達 之盛况天錫智勇超出尋常萬萬者乎聖人勸勉之 此一章書是子思承上章天道人道之意欲人由教 返性盡人以合天也子思曰吾因夫子言誠者誠之 右第二十章

次定四車全書 一日講中庸解義 誠即是明而先明乎善者用力既至不為偽妄所来 實其善由明而誠者此從人生以後以擇以執充盡 優於中道之域者也謂之性自其先明乎善而後能 者之分而知等級雖殊成功則一自其德無不實而 明無不盡由誠而明者此從天命而来不勉不思自 乎脩道之功者也謂之教性教雖有天人之異然德 自能實有其善明亦必至於誠故曰誠則明矣明則 之實者無一毫私欲之敵固然清明在躬無所不照

唯天下至誠為能盡其性能盡其性則能盡人之性能 盡人之性則能盡物之性能盡物之性則可以對天地 之化育可以對天地之化育則可以與天地參矣 誠矣教與性同歸於一誠孰謂人道之有異於天道 乎是在乎人之自勉而已 此一章書是言自誠明之事乃天道也子思曰天命 流行物與無妄性之本體原無一毫虛偽一分欠缺 右第二十一章

又二つる ここり 一一日端中庸解義 育亦有不及之處至誠既能裁成輔相以盡人物之 盡人之性由是推之物即能脩立法制因其宜而制 設立政教抑其過而引其不及則能盡人之性既能 具足是為能盡其性既能盡其性由是推之人即能 行安行察之極其精由之極其至将天賦之理全體 其用則能盡物之性夫人物皆天地所化育者也但 天地能與人物以性不能使人物皆不失其性則化 大地人物無不該具於內惟天下至誠其知生知其 Ē

金页四月全書 之功者至誠至誠豈不與天地並立為三乎此為盡 性而補助天地之所不及豈不可以對天地之化育 性之全功其體備如此夫聖人以一身立天下之上 其中對之是覆之者天載之者地位乎中而成覆載 乎然則天以化育行乎上地以化育行乎下至誠於 古帝王所以終身猶病兢兢業業而不敢一刻稍自 四維莫一民一物各得其所然後此性方無虧歉此 凡天地人物之理無一非吾分內之事必使三光明

其次致曲曲能有誠誠則形形則著者則明明則動動 J. 5... 則變變則化唯天下至誠為能化 謂之曲就其曲處一 盡性全體皆誠其大賢以下次於至誠者未免為氣 禀所拘然其本然一念善端緣觸而崩無時不在則 此一章書是言自明誠之事乃人道也子思日至誠 境其主見也 右第二十二章 1 引馬口 高手にと 推致如因惻隠之端推之至

金丘匹庫全書 誠則充足於內自然形露於外非有意於形而誠則 著而形則必者既著則光輝發越無處非誠之昭明 有其全體之誠而曲者全矣夫莫難於有誠既能有 智之是非莫不皆然曲既無不致則德無不實為能 非有意於明而著則必明然不但見於一身而已既 仁之極因羞惡之端推之至義之極以及禮之恭敬 明則人之望其德容者皆觀感而興羣起為善之念 必形既形則日新月盛無處非誠之者見非有意於

善去惡而改其信習非有意於變而動則必變既變 非有意於動而明則必動既動則人皆回心向道遷 者而明即是能盡其性由動而變而化即是能盡人 化存神妙用莫測惟天下至誠為能若是而致由之 化而變則必化夫至於化則由內及外由已及物過 則人皆相喻不言渾总於善而并無形迹非有意於 效至此無少異則儼然一至誠矣總之由誠而形而 物之性贊天地之化育但一以自然而能一以致由 一一一月時中野洋龍 £

超近四库全書 善必先知之故至誠如神 至誠之道可以前知國家將與必有複祥國家将亡必 有妖孽見乎着龜動乎四體禍福將至善必先知之不 乎聖人而已矣 而至一則堯舜之性一則湯武之反語其歸宿則同 此一章書是言至誠先覺之體以明天道也子思曰 天地間萬變酬酢總不出一實理吉凶悔吝原自昭 右第二十三章

スニフランニュー 一一日溝中庸解義 誠而明之至誠性體具足於凡天下之事無不前知 **電初迹雖未形而幾則已動惟至誠能察其然當善** 事或者見乎者龜或發動乎四體豈待禍福之至而 如國家將與必有複祥之事國家將亡必有妖孽之 然燦列人惟本性障蔽往往當幾不能覺悟獨有自 有不善之幾即知其禍之將至非此心無一毫私偽 未者而有善之幾即知其福之將至當不善未者而 始知哉蓋天下禍福之分只争於善不善之介方其

金豆匹厚全書 與鬼神合其德安能寂然不動感而遂通如此故曰 能遁此理最為真實確有可以自信若欲以推測億 生治亂之兆近而奸邪忠传之隐遠而向背從違之 至誠如神夫人主在上内而一身休咎之徵外而民 逆之私機祥識緯之數用鉤距以誇才智借左右以 幾全在知之於早然知初非有異術惟是全體無私 至虚至公自然如鑑之明如衡之平事物當前舉莫 作耳目未有不反為外物所中者適與至誠相反而

成已仁也成物知也性之德也合外内之道也故時措 故君子誠之為貴誠者非自成己而已也所以成物也 スニリートニュ 之宜也 誠者自成也而道自道也誠者物之終始不誠無物是 子思曰凡人有生之初其實理具於心者謂之誠人 此一章書是言誠之者已物兼成之功以明人道也 右第二十四章 日講中庸解義 Ē

金好四月石書 有此誠方自成其為人蓋必心無虚假然後身無虧 實心安能成實事雖有所作為猶之無物而已是故 誠之所在人之心若不誠則一舉一動皆為虚假無 欠是誠者固所以自成也而體此誠於人倫日用之 君子探誠之原又鑒不誠之弊而擇善固執以求至 終則復始始則必終無一非誠之所為即無一息非 間則謂之道乃人人所當自行是道固所以自道也 何以見誠為自成而道當自道哉凡盈天地間皆物

2. 7. ... 成自然有以成物何則成己非他克己復禮無一毫 矣夫君子誠之之始固求成就一己及誠之之後又 於真實之地誠之至此真有以自成而自道亦無歉 立立人已達達人一以貫之無不得其當矣可見仁 謂知也仁知二者本吾性中固有之德命之於天有 私偽所謂仁也成物非他知明處當使各得其所所 非但成己而已天下人同此心即同此理既有以自 何外內之分乎既無外內之分将見其措諸施為己 一日時中朝年長

剑近四库全書 博厚則髙明博厚所以載物也髙明所以覆物也悠久 見而章不動而變無為而成 所以成物也博厚配地高明配天悠久無疆如此者不 故至誠無息不息則久久則散徵則悠遠悠遠則博厚 然邁道遵路經綸麥對孰有外於此哉 知之道得則俱得物我一理成不獨成總在盡自道 之功以完自成之理一人皇建有極則天下之人自 右第二十五章

誠無息之功用以見同乎天地者皆出自然也子思 此一章書是舉天地形容至誠以明天道而先言至 不誠時安有止息之時既無止息則自終始如一常 其功用遂不能臻自然之妙至誠之心渾然天理無 日天理具在人心但因私欲間斷常有止息之時而 其悠遠則積累之至自廣博而深厚矣惟其博厚則 抑矣既由久而徴則凡所設施自悠裕而綿遠矣惟 久而不變矣存諸中既久則自徴驗於外而不可遏 Ė

金定匹庫全書 發越之極自高大而光明矣由是觀其功用所積既 博厚自能舉萬物而負荷真安之固所以載物也所 發既高明自能舉萬物而怙冒照臨之固所以覆物 能載物則其博厚不與地配合無間乎能覆物其如 也博厚高明而又悠久則常載常覆自能舉萬物而 曲成不遺固所以成物也夫能載物莫如地至誠亦 地博厚高明萬稱無有更易故能成物至誠亦能成 天至誠亦能覆物則其高明不與天配合無間乎天

博厚萬明悠久稍有矯强而不本於誠之自然亦鳥 美業備而底於成矣然章也初無待表見而然變也 物則其悠久不與天地之無疆通一無二乎至誠之 嬖俸押昵之私毫疑不雜存諸中者既貞一發諸外 能窮神入化與天地合撰而同其無疆也哉然則欲 初無待運動而然即成也初無待作為而然假令其 功用如此信乎燦然其章煥然其變且章變之極事 體備至誠之理必令此心人欲淨盡一切渦志玩物 一一一一一 F

金克匹庫全書 天地之道可一言而盡也其為物不貳則其生物不測 天地之道博也厚也禹也明也悠也久也 者自弘大漢唐以来非無有為之君而本體不無虧 純政治天下斷自君心始 至誠同乎天地如此然天地之道亦止一言可包括 缺終不能與唐虞三代絜功較徳故曰有純心乃有 此二節書是即天地之道以明至誠之道也子思曰 而盡無他誠而已矣蓋天地之氣化流行皆是實理

次正の事を与一一日講中庸解義 無息天地之生物不測即至誠之徴於功業之盛易 光明下齊此天道之高明也推行有漸而渾闢無窮 此天地之道之悠久也可見天地之不貳即至誠之 弘無外而静深難測此地道之博厚也太虚上凝而 測之夫天地之道既可以不貳盡之則其見乎功能 以分為二無又分為萬泉種種生物之功用誰得而 運用未始有一毫參雜其間其為物蓋不貳而已所 而各極其盛者又豈外於至誠之所徵者守彼其含 Ī

草木生之禽獸居之寶藏興馬今夫水一勺之多及其 覆馬今夫地一撮土之多及其廣厚載華嶽而不重振 今夫天斯昭昭之多及其無窮也日月星辰繁馬萬物 不測電體蛟龍魚鼈生馬貨財殖馬 河海而不洩萬物載馬今夫山一卷石之多及其廣大 此一節書是極言天地生物之不測以見其皆本於 天時天且弗達而況於人乎此至誠之謂也 日大人者與天地合其徳先天而天弗違後天而奉

實有是理斯有是氣指其一處而言不過昭昭然據 盛而有生物不測之功用何以見之今夫天積氣也 體則廣博深厚無有限量華嶽載於地河海振於地 指其一處而言不過一撮之土而地在馬若論其全 隙之明而天在馬若論其全體高大光明無有窮盡 之生物不測也今夫地積形也實有是理斯有是形 不貳也子思曰天地之道惟誠一不貳故能各極其 日月運行於天星辰布列於天萬物怙冒於天此天

大三日日上 11日 | 日講中庸解義

金吳巴周台書 萬物真安於地此地之生物不測也至於天地所生 藏與於山此山之生物不測即天地之生物不測也 其全體廣潤萬大之處草木生於山禽獸居於山實 生今夫山指其一處而言不過卷石而山在馬若論 財殖於水此水之生物不測即天地之生物不測也 之物惟山水最大而山水中所生亦莫非天地之所 今夫水指其一處而言不過一勺而水在馬若論其 全體深廣不測之處則電體蛟龍魚鼈皆生於水貨 卷三

詩云維天之命於穆不已蓋曰天之所以為天也於乎 不顯文王之德之統蓋曰文王之所以為文也統亦不 ここう、ここ 一一日 日青半朝年 成浩博之功是以聖人不治其多而治其少不求之 徵之功用總一無息之所為其道一而已矣設使天 地不立其資始之原將物物勞其化育何以成變番 可見天地之生物不測總一不貳之所為與至誠所 於萬殊而求之於一原也 之用聖人不宅其神明之宰将事事勤其沒施何以 Ē

金克匹厚全書 意以天之所以為天正以其無止息也又云於乎不 處無聲無臭幽深邃遠而無一時之止息盖詩人之 此一節書是引詩以證至誠天地同一無息也子思 純一而不雜天理完固全體湛然而無一毫人欲之 顯文王之德之統言文王之德豈不顯者哉由其德 云維天之命於穆不已言天道運行其帝命所存之 日至誠之與天地為一於何證之周頌之稱文王者

備乎道德之實則皆可以為文王皆可以為至誠即 觀之可見人主一身尚能存誠去私自强不息以純 純亦無有止息純即是不已文王與天初無二也夫 皆可以同乎天地之不已矣其於治功民物之間又 自古聖帝明王德盛化神不獨文王為然但就文王 私問之蓋詩人之意以文王之所以為文正以其純 奚患其不臻上理哉 無間也夫天道無有止息固是不已文王之徳之 11日共中国开发

金定匹庫全書 道不疑馬 禮儀三百威儀三千待其人而後行故曰尚不至德至 大哉聖人之道洋洋乎發育萬物峻極于天優優大哉 思日率性之道唯天下之聖人能體備之大矣哉廣 聖道之大必待人而行而深有望於脩凝之人也子 此一章書是言脩德凝道之功以明人道而先贊美 濶周徧無所不際其聖人之道子何以見聖道之大 右第二十六章

ノ・うシーニー 一人日海中角解表 道充塞貫注無一處非道其包乎無外有然以其散 經常不易之禮儀數有三百而禮儀中品節限制周 殊言之則優優然充足有餘巨細悉備如人倫日用 雖多皆此道發生長育無一物非道天雖高峻皆此 必待其人而後行爾若非至德之人則局量淺隘既 大如此是道也何可一日不行而又豈可以虚行哉 到完審之處數有三千其入於無間又有然聖道之 以其全體言之則洋洋乎流動充淌無有限量萬類

多定四庫全書 故君子尊德性而道問學致廣大而盡精微極高明而 道凝聚於身心豈可得乎夫道在天地間其見於造 不足以彙其全識見粗疎又不足以窮其細欲將此 化則萬物所以變蕃兩儀所以定位其見乎人事則 禮樂與而教化成脩疑之功豈可一日緩哉 聖人出而軍世其道乃有專屬天明也察萬物得所 君臣上下之大經制度文為之盛節惟繼天立極之 庸温故而知新敦厚以崇禮

..... 故脩凝之君子知其道至大其功至難吾所受於天 端盡也盖德性本自廣大有以蔽之斯狹小矣惟祛 精察體驗以盡其道之之事然是專與道非可以 此一節書是言脩德疑道之功專其責於君子也子 其私意以推致夫本原而廣大之中原非空疎無物 之功而所以輔成其德性者曰問學又必格物致知 之理日德性則必恭敬奉持戒慎恐懼以極其尊之 思曰至道非至徳不疑可見欲疑道者當脩徳矣是 THE PARTY STATE

| 舒定匹庫全書 學以充拓理義件見其日新之詣馬德性之已能本 以上達昭融而髙明之內原非詭僻不經必由問學 馬德性本自萬明有以累之斯卑暗矣惟去其私欲 必由問學以晰其事理之精微而勿使有毫疑之謬 尚節文俾底於日崇之城馬夫如是尊徳性以植問 極醇厚則不雕不琢培養以敦之而又由問學以體 以率乎日用之中庸勿使有過不及之弊馬德性之 已知本我故物則勿忘勿助涵泳以温之而又由問

是故居上不驕為下不倍國有道其言足以興國無道 學之本又道問學以滿德性之量則脩德之功既至 而至道有不疑者乎所以君子知脩疑之功全在存 能擴充其功用而建無窮之盛德大業哉聖賢示人 聰明眩惑我耳目是非顛倒黑白混淆此心雖存安 而可心存而知不致則天下事事物物皆得扞格我 心致知二者心不存則私欲錮蔽大本已失固無 人德之方莫切要於此矣 一一日本中朝丹長

多定匹庫全書 其默足以容詩日既明且指以保其身其此之謂與 此一節書是言君子脩德凝道之後無所處而不當 為設施其挾勢而於縣者必無有也使君子在臣民 亂之間使君子在天子之位則能以位育經曲之道 也子思曰君子既脩德以疑道則聖人之道全備於 者必無有也若處國有道之時則闡位育經曲之道 之位自能以位育經曲之道為憲章其越分而倍慢 身自然所處皆當盖人之一身所歷不外上下治

臣仲山甫既明於理又察於事故能保全其身無即 處治處亂無所不宜如此大雅烝民之詩云周之賢 於其言自足以鼓舞天下風動四方而其言足以與 宜之謂與然則聖人之道包含極大而該洽極周人 如處國無道之時則敛位育經曲之道於其心自足 於殆此詩之意其即此脩疑君子上下治亂無往不 主誠以脩疑之身建配天立極之業則其為章程語 以獨善其身見幾遠害而其默足以容是為上為下 一一日萬中爾拜表 1

多定匹庫全書 · 卷三 子曰愚而好自用賤而好自專生乎今之世反古之道 如此者哉及其身者也非天子不議禮不制度不考文 徳之所以不可不脩與 默之間足以垂世作範而協應休祥何可量哉此聖 引夫子之言見德位時之在天子也子思曰君子為 此一章書是承上章為下不倍而言以明人道而先 下之不倍盖實有不可倍者在也孔子當曰愚而無 右第二十七章

次三日事と言 一日講中庸解義 於上而禍及其身者也由孔子之言而反覆所以取 禍之由盖一代之大權出於天子如親疎貴賤自有 可以制之非聖人而為天子者不可制也至於文之 分乃好竊權勢以自專生乎今之世自宜遵守當代 徳者宜守己乃好作聰明以自用賤而無位者宜安 不可議也宫室車服器用自有一定之尺度惟天子 相接之禮體惟天子可以議之非聖人而為天子者 之法乃欲復行往古之道如此者越理犯分必獲罪 美

禮今用之吾從周 敢作禮樂馬雖有其德尚無其位亦不敢作禮樂馬子 今天下車同軟書同文行同倫雖有其位尚無其德不 日吾說夏禮祀不足徵也吾學殷禮有宋存馬吾學周 形像及聲音惟天子可以釐正而考之非聖人而為 不為禍之階也得乎 天子者不可考也則夫自用自專與生今反古者其 此三節書是言天下一統非愚賤所敢自用自專也

人子りり 一人日講中庸解義 與聲音無弗同是天子所考之文猶在也以行而言 愚而自用固不敢作禮樂馬有德無位者更不得以 矣而典章世守莫敢不遵以車而言其轍迹之廣狹 在也惟天子之法制未泯所以有位無德者不得以 親疎貴賤相接之次第無弗同是天子所議之禮猶 無弗同是天子所制之度猶在也以書而言其形像 周天子所立法以垂之後人者乎文武成康之盛遠 子思曰議禮制度考文一歸於天子則今天下非昔 Ē

金安尼人名言 展而自專亦不敢作禮樂馬故雖孔子之聖而終其 言之不憂無據守之不患非時吾舍周其安從哉觀 畫本於文武制作本於周公此固今日所率由者也 後宋也從禮於宋非時制矣若夫周禮吾當學之講 時天子所制之禮吾能言之然夏之後祀也求禮於 身以布衣老尚然循守舊章况他人子孔子當日夏 杞不足證矣殷時天子所制之禮吾當學之然殷之 孔子之言而凡為下者之不可倍明矣然則生今者

知人也 弗從故君子之道本諸身後諸庶民考諸三王而不謬 建諸天地而不恃質諸鬼神而無疑百世以俟聖人而 不信不信民弗從下馬者雖善不尊不尊不信不信民 不感質諸鬼神而無疑知天也百世以俟聖人而不惑 王天下有三重馬其寡過矣乎上馬者雖善無徵無徵 其亦審於從王之義矣 右第二十八章

2010 July 2.11

/ 日滿中南湃美

金好四庫全書 考文三者至重之事以之新天下之耳目一天下之 此一章書是承上章居上不驕以明人道而推君子 不縣何與凡受命為天子而王天下者有議禮制度 王天下者乃徳積於身而來時以在位者也若使時 心思則國不異政家不殊俗而人得寡過矣乎夫此 王以上其禮雖善而世遠人亡無可徵考則將駭而 三重之善由於通天人之理也子思曰君子之居上 不信不信民弗從聖人居下雖善於禮而身屈道窮 卷三

こうし ここ 徵驗乎庶民則皆遵守成法不敢放逸又非不信不 作悉從躬行實踐中發出非有位無德者比也於以 思神之難知可質之而無疑幽有以驗乎明也後聖 差謬建諸天地則與其自然之理無有違悸而且以 從者比也自是而考諸三王則與其已然之迹無有 之君子其議禮制度考文之道必本之於身凡所制 不在尊位則將玩而不信不信民弗從是故王天下 之難料可俟之而不感遠有以驗乎近也然其所以 一一八日掛中南牌長

金丘匹库全書 為天下則遠之則有望近之則不厭詩日在彼無惡在 是故君子動而世為天下道行而世為天下法言而世 道之至也惟知人道之至故制作合於人尚何疑乎 地可見矣所以不惑於後聖者又豈有他我聖人人 理之至故制作合於天尚何疑乎無疑於鬼神而天 無疑於鬼神者豈有他我鬼神天理之至也惟知天 不惑於後聖而三王可見矣庶民益可見矣此君子 三重之道所由盡善也

譽於天下者也 此無射庶幾風夜以永終譽君子未有不如此而蚤有 法度其動而見於言則三重之發於議論而布諸號 行則三重之盡於吾身而施諸政事者世世為天下 善如此則人未有不信從而寡過者是故君子凡有 此二節書是承上文言民之所以寡過而君子之所 動作則世世為天下道而莫不率由馬其動而見於 由以永譽也子思曰君子知天知人而三重之道盡 一一一日梅中的科氏 9 F

多定匹庫全書 庶幾夙夜之間得以永終其美譽矣由詩言觀之可 有憎惡之者在此我周無有厭射之者彼此咸宜則 之寡也不亦宜乎周頌振鷺之詩有日在彼本國無 身徵民符於三王後聖通於天地鬼神而能垂法則 見譽非無因而致也是以有三重之君子未有不本 服遠近蚤有聲譽於天下者也然則為上者可不務 企望之心在近者習其行之有常則無厭數之意過 令者世世為天下準則在遠者悅其徳之廣被則有

地之無不持載無不覆轉辟如四時之錯行如日月之 仲尼祖述竟舜憲章文武上律天時下襲水土辟如天 **入德敦化此天地之所以為大也** 、明萬物並育而不相害道並行而不相悖小徳川流 盡其道而徒驕以自恣我子思為萬世王天下者告 至深遠也 此一章書是言聖人與天地合德以明天道也子思 右第二十九章 THE PROPERTY OF

金定匹庫全書 東西南北各有其理仲尼下襲之以因其一定之理 則奉以為祖而紹述之遠有宗也法莫詳於文武仲 仲尼體備之功通乎古今該乎穹壤則於天下道理 冬各有其運仲尼上律之以法其自然之運水土之 尼則奉以為憲而表章之近有守也天時之春夏秋 日中庸之道至仲尼而備其全道其盛於堯舜仲尼 明無不覆情且出之以時運之不息群如天地之四 切負荷一切包舉群如天地之博厚無不持載高

久正日日上日 一一日講中庸解義 時交錯而行天地之日月更代而明武以天地觀之 德敦厚其化渾然具足也天地之所以為大其在此 與天地之大見而仲尼之大無不可見矣乃知聖人 之流燦然各出也所以並育並行者是其全體之大 不相違悖所以不害不悖者是其散殊之小徳如川 四時日月並行於天地之中寒暑推遷晝夜往来而 天覆地載萬物並育於其間各止其所而不相侵害 一天地也學聖人者其求端於天地可乎然天地之

金罗巴尼石電 唯天下至聖為能聰明春知足以有臨也寬裕温桑足 以有容也發强剛毅足以有執也齊莊中正足以有敬 也文理密察足以有别也 道備於吾身正非泛求馳騖於高遠之域也 徳積中之盛也子思曰居上臨下自古難之唯天下 此一章書是承上章小德川流以明天道而先言聖 至聖神靈天授為能聰無不聞明無不見春無不通 右第三十章

人にり日上上 一一日講中庸解義 臨民無少褻慢足以有敬也以智之德言之則能文 之質而以仁之德言之則能寬而廣大裕而優厚温 莊而氣之嚴中而無過不及正而不偏不倚凡事神 力剛而不屈毅而不息凡天下之事無一不有堅忍 而和易桑而異順凡天下之衆無一不在含覆之內 知無不知於以臨御天下豈猶有未足乎由其生知 足以有容也以義之徳言之則能發而奮揚强而有 之操足以有執也以禮之徳言之則能齊而心之肅 聖

金吳口屋石書 溥博淵泉而時出之溥博如天淵泉如淵見而民莫不 敬言而民莫不信行而民莫不説 孰能之 聰明睿知之資而無仁義禮智之德非天下至聖其 曲盡其明辨凡是非得失無不畢照足以有别也以 而燦然有章理而秩然有條塞而備致其周詳察而 此二節書是言至聖之德完具於心而發當其可也 子思曰至聖五者之徳充積於中其周編無遺弘廣

欠三つう 一日講中庸解義 矣而正非寂守無為者也時當有臨則以聰明春知 不敬畏其敬也見當乎時也發諸言語而民其不信 淵泉一如乎淵惟其如天如淵也見諸動容而民莫 聖之溥博一如乎天凡物之淵泉莫過於淵至聖之 之溥博淵泉非尋常比也凡物之溥博莫過於天至 隨時運行夫豈有窮極哉盖其所以致此者由至聖 之德出之時當容執敬别則以仁義禮知之德出之 無外可謂溥博矣其静深難測原本不竭可謂淵泉 型

金丘匹厚全書 莫不尊親故曰配天 是以聲名洋溢乎中國施及蠻貊舟車所至人力所通 天之所覆地之所載日月所照霜露所隊凡有血氣者 從其信也言當乎時也措諸行事而民莫不説服其 自是而民情不大可驗予 說也行當乎時也充積既極其盛而發見各當其可 言行而民之莫不敬信説有如此是以聖徳之休聲 此一節書是極言聖德之所被也子思曰至聖之見

大記可性人は 皆專親則德之所及其廣大豈不同於天子故曰配 照臨霜露所隕墜之處凡有血氣而為人類者莫不 尊之為君親之如父母馬民之敬信說而至於舉世 美名内而充淌乎中國外而播傳乎蜜貊極舟車所 可至人力所可通天之所覆冒地之所持載日月所 而君臨天下也然則法至聖者安可不道全德備而 天蓋惟五德皆備而且時出之妙如此所以能配天 一同乎天於 一一一日講中庸解表

金豆四月全書 唯天下至誠為能經綸天下之大經立天下之大本知 天尚不固聰明聖知達天徳者其孰能知之 天地之化育夫馬有所倚脏脏其仁淵淵其淵浩浩其 亦以明天道也子思曰天下之理散於倫物本於性 此一章書是承上章大德敦化而極形至誠之功用 品之人偷而為天下之大經者分別其義使不相清 右第三十一章 非誠為之唯天下至誠真實無妄為能於五 卷三 人にり事人から 宣有所倚者於物而後能哉吾即至誠之用以思至 誠之體由經綸而言範圍斯道而不過脏脏乎其仁 地之權內而東會合天地之德其與天地之化育有 續乃天地之化育也至誠運行不息外而操輔相天 體而為天下之大本者當其未形使不雜於欲當其 聨合其情使不相悖則經綸之者至矣於所性之全! 默契馬則知之者至矣凡此皆至誠自然之功用夫 既形使各歸於道則立之者至矣若夫往者過来者 一日講中庸解義

金贝巴尼在書 淵之静深也由知化育而言冥符帝命而無間浩浩 之態至也由立本而言曲成至性而不遺淵淵子其 乎其天之廣大也夫然而至誠之德之盛殆有未易 知者的不實有是聰明聖知之資而通達夫仁義禮 於外者觀至聖故凡有血氣者莫不尊親以存於 知之天徳者何足以知之盖至誠至聖本無二理以 中者觀至誠故非至聖不能知也 右第三十二章 卷三 大三日日 白言 一日講中庸解義 章小人之道的然而日亡君子之道淡而不厭簡而文 詩日衣錦尚絅惡其文之者也故君子之道闇然而日 温而理知遠之近知風之自知微之顯可與入德矣 微皆由於下學立心之始也子思曰衛風碩人之詩 有日衣錦而尚之以絅詩之意盖以錦繡之衣文采 外露故加之以單衣乃是惡其文之太著也古人用 此一章書是終言入德成德之序見聖人之至德淵 心即一衣而不事文飾如此故君子為學之要專務 工品

金分四月石書 章者何如凡淡素則易厭簡略則無文温厚渾淪則 然表暴而實德不繼自日見其消亡所謂閣然而日 其章顯小人反是其道專務為人止求人知外則的 為已不求人知外則闇然韜晦而積美在中自日見 無條理君子之道其見於外者淡矣而其中音趣却 條理却并然不亂然使有為己之心而知之不明則 自不厭簡矣而其中文采却燦然可觀温矣而其中 亦何以實致其功乎誠知見於遠者由近始必於近

歌定四庫全書 一八日請中庸解義 詩云潛雖伏矣亦孔之昭故君子內省不疚無惡於志 室尚不愧於屋漏故君子不動而敬不言而信 君子之所不可及者其唯人之所不見乎詩云相在爾 者甚微而形諸外者甚顯必於微而謹之於此三者 而各致其謹則可與入德而漸進於聖人之域矣 思曰君子之可與入德無疑矣而其入德之事更有 此二節書是言君子入徳之功在於静存動察也子 而謹之者於風化者由身始必於自而謹之有諸内 罕入

詩云相在爾居室莫謂室西北隅未與物接遂可怠 無一毫疾病方無愧於心是能於人所不見之地而 進馬者小雅正月之詩云潜處雖伏矣而其理甚的 忽當常存敬畏使此心不愧於屋漏詩人之言如此 獨致其謹者君子之所以不可及者其唯在斯乎然 此特其省察之功而未及守存養之功也大雅抑之 也獨固可不慎乎故君子內自省察於幽獨之中必 明其言潜伏也即隐也微也其言孔昭也即見也顯

改定四車全書 一日講中庸解義 篤恭而天下平 詩日奏假無言時靡有爭是故君子不賞而民勸不怒 而民威於鉄鉞詩曰不顯惟德百辟其刑之是故君子 言語既發而始信實也盖於不言之前而已無弗信 信乎不睹不聞所當戒慎恐懼矣故君子不待有所 君子為已之功至是益密而其效不又可得而言哉 動作而始敬謹也盖於不動之前而已無弗敬不待 此二節書是言君子為已之學成而效亦愈遠也子 乳

有是德即有是化矣是故君子由省察存養以来不 敬不待言說在廟之人化之靡有争競失禮者可見 烈祖之詩曰主祭者進而感格於神明之際極其誠 思曰君子為已之功既審則其及人之效自神商頌 必賞以示勸而民自有所景仰而勸於善不必怒以 此然猶非中庸之極功也周頌烈文之詩曰天子有 示威而民自威於鉄鉞而不敢為惡德盛而民化如 不願之德百辟其刑而法之此固不僅民勸民威矣

也詩日德輔如毛毛猶有倫上天之載無聲無臭至矣 詩云予懷明徳不大聲以色子日聲色之於以化民末 聞之地無一念之不恭無一時之不恭是為厚其恭 是故有德之君子由省察存養以造其極雖不見不 所謂不顯之德也天下平即詩所謂百辟之刑也效 也而天下之被其化者咸翕然治平馬夫篤恭即詩 之遠無非本於德之深吾何以測其德量之所至我 此一節書是極形容不顯寫恭之妙以見下學立心

スについる Jili 一一一日清中南朝義

金玩四月全書 未易形容也大雅皇矣之詩云上帝自言子眷懷文 徳矣然孔子當曰為政者以聲色化民特末務也今 之始皆可造其極也子思曰君子不顯篤恭之德誠 乎其有當矣而以為如毛則猶有倫類之可比是亦 但言不大之而已則猶有聲色者存是未足以形容 王之明德不張大其聲音與顏色似可形容不顯之 未盡其妙不若文王之詩所言上天之事無聲可聽 不顯之妙不若烝民之詩所言德之輕微如毛則庶

Pこうう ノンラー 日講中庸解義 慎獨戒懼而馴致篤恭天下平此成德自然之效中 亦無之故惟此可以形容其妙也然非由立心為己 故復自下學立心至近者言之以示入德之方至於 見德之成則能不失其道之本乎天者也子思前此 所自也見道之本於天也章末復言天要其所成也 以造其極安能至是哉中庸一書章首即言天原其 無臭可聞然後乃為不願之至耳盖聲臭至微而并 既極賛至誠至聖之徳恐學者求之高遠而反失之

